


# PASIAN THEIHTELNA



April 11, 2026 ading Lesson 2



“Tua nuntak  
tawntungna in  
nangmah bek a  
man' Pasion na  
hahna le na  
sawlpaw Zeisu  
Khazih a theih  
nading uh ahi  
hi.”

(John 17:3, zsv)

Pasian i telna pen mawhna hangin kisia khin hi. Ganhing ahihkeileh mihing lim tawh kibawl milimte zangin Ama lim lahna dingin i hanciam khin hi. Ama pen lungsim kikhelkhel ahihkeileh thagum zang mi bangin kigen hi. A tawpna ah, mihingte in Pasian lim pen amau lim mah bangin bawlkhia uh hi.

Ahih hangin Pasian taktak pen bangci bang hiam? Amah pen i theih zawh loh ding khop in lian lua ahi hiam? Takpi mah in, bangzah in hanciam mahlehang, i lungsim in Pasian tel zolo hi. Huhna i kiasm hi. Ahih hangin huhna hong tungta hi. Ama bangci dan hiam na thei nuam hiam? Lai Siangtho sungah Pasian' zia taktak kilakna i thei hi.



➔ Pasian' hihnate.

➔ Pasian' zialetong:


● Pasian siangtho hi

● Pasian in itna hi

➔ Pasian theihna:

● Pasian in Piansaknate sungah kilak

● Pasian in Zeisu sungah kilak (Emmanuel)



# PASIAN' HIHNATE

“Vanglian Topa Pasion aw, na khempeuhah na thutak a, nangmah bangin a vanglian kua om ahi hiam, Topa aw.” (Psalm 89:8)

PASIAN' HIHNATE

Lai Siangtho in Pasion' mel muanhuai pen, kician pen, leh kikhel ngeilo pen in lak hi. Ama zia le omziate tawnin amah i theihnading lampite lakah khat ahi hi.

### PASIAN HIHNA PAWLKHAT



Vanglianpen (Piancilna 17:1)



Theihna khempeuh nei (1 John 3:20)



Mailam thu a theipa (Isaiah 46:10)



Thuman (Late 11:7)



Hehpihna nei (Thu Hilhkikna 4:31)



Lungduai le hehnem (Romans 15:5)



Hehpihna pia (Romans 3:24)



Maisakthei pa (Late 86:5)




Nampi (Late 47:8)



Tawntung (Piancilna 21:33)



Amah lam panin, Satan in a kipatcil akipan Pasion' pian'zia bawhsiat nading hanciam a, amah pen ama' phat nading bek a zong, angkhual Pasion khat bangin lak hi (Pian. 3:4-5).



PASIAN' ZIALETONG

**Amaute khatlekhat kisamin: "Vanglian Topa, siangtho, siangtho, siangtho; leitung khempeuh ama minthan'na tawh kidim," ci-in awng uh hi. (Isaiah 6:3)**

# PASIAN SIANGTHO HI

**Pasian kiangah a ding vantungmite in Ama tungah, "Siangtho, siangtho, siangtho," ci-in phat uh hi (Isa. 6:3; Mang. 4:8). Hih zialetong pen Ama zia tawh kigawm cip mahmah ahih manin Isaiah in Pasian' min taktakin bang in zang hi: "Siangtho Pa in ci hi" (Isa. 40:25; 57:15).**

**Siangtho cih pen bang cihna hiam? Tua in siangtho sakna, khenkhiatna, siangthona cihna ahi hi. Gitlohna pan i kiheikhia a, Pasian in i sep ding a hong ap nasepte i sep ciangin i siangtho hi. (Gam. 15:40; Siam. 11:44; 1 Pet. 2:9).**

**Ahi zongin hih pen Pasian tungah bangci kizom hiam? Ama in gitlohna pan kikhenkhia sitset a, mawhna tawh bang mah kizopna neilo hi.**

**Hih adeihna in, Amah siangtho ahih manin, a itna zong siangtho ahihnaleh angkhualna pan suahtakna ahi hi. Ama Siangtho ahih manin, a vangliatna khempeuh siangtho-in, angkhualna omlo hi. Ama' zialetong khempeuh siangthona le ciimna tawh kidim hi.**




# PASIAN IN ITNA HI

"Pasian in eite hong itna eite in thei in i umzo hi. Pasian in itna ahi hi. Itna sunga a om mi hi a, Pasian zong tua mi sungah a om hi." (1 John 4:16)

Pasian in itna nei bek hilo-in, itna zong a pia hi (tua nihte a bawl hangin), "Pasian in itna hi." (1 John 4:8, 16). Siangthona mah bangin, itna pen Pasian' pianzia a laigil thupi khat ahi hi.



Itna hangin amah in mihingte pasal le numei-in bawl a, khat le khat ki-it dingin thupia hi (Pian. 2:24)



Itna hangin, Adam le Eve in mawhna a bawl lai-un, Ama'n amaute zong a, lametna a pia hi (Pian. 3:9, 15)



Itna hangin, Ama in Abraham tawh thuciam bawl a, mihing khempeuh adingin thupha ciam hi (Pian. 26:4)



Itna hangin, i mawhna khempeuh hangin a sih nadingin a Tapa -Zeisu Khazih- a pia hi (John 3:16)

Ama itna bangci-in ka thuk thei ding hiam?

Ama'n hong itna masa ahih manin, eite in i it hi (1 John 4:19).





PASIAN THEIHNA

# PASIAN IN PIAN'SAKNATE SUNGAH KILAK



*"Vantung in Pasian' minthang'na gen a, vanpi in Ama nasep taangko hi." (Late 19:1)*

Lai Siangtho in Pasian pen אֱלֹהִים (*elohim*) ci-in genna tawh kipan hi. Hih thulu a kigelh bang lianin 'pasian te' hi mahleh, khat (singular) bangin kizang hi. A kipatcil-in Pasian-te'n vantung le leitung a piangsak hi (Pian. 1:1).

Hih in Thu [Zeisu Khazih] tungtawnin le Kha Siangtho pan pihna tawh na khempeuh a piangsak thei Piangsakpa i mai-ah hong lak hi (Pian.1:1-3; Jn. 1:1-3).

Piancilna alian 2 sungah, Pasian' min taktak khat kiguang hi: יְהוָה (*Yahweh*). Tu-in Amah in, "Piang hen," ci-in a genlel hilo hi. Amah in mihing la-in a khut tawh bawl hi. Vangliat na nei Pasian in amah le amah mimal khat bangin, naih theih Pasian khat in kilangsak hi.

Ama in eite hong lawng hi, eite hong hopih hi, eite hong hilh hi, ama in eite nasep hong guan hi... ama in eite hong it hi.




# PASIAN IN ZEISU SUNGAH KILAK (EMMANUEL)

"Kuamah in Pasion mu ngeilo hi. Pasion tawh a kinai pen, Pasion mah ahi Tapa khat bek in Pasion hong kilanghsak hi." (John 1:18)



Pasion bangci bang ahi hiam cih i theih nopleh, Zeisu i theih kul hi. Ama pen mihing a piang Pasion ahi hi (Johan 1:14), eite in amah i muh theih nading leh i zak theih nadingin mihing' pianzia la-in amah le amah a kilak ahi hi (John 1:18; 14:9; 1 John 5:20).

Ama pen a nuntakna tupna a lak genkholhna min khat tawh kigenkhia hi: Emmanuel, Pasion ei tawh om khawm (Isaiah 7:14; Matt. 1:23). Lungdamna Thu gelh mi lite in amah ei kiangah lam tuamtuan in hong lak uh hi.



**Matthew**

Judah mi khat panin  
Judah mite tungah

Ama pen a kiciamna a  
tangtun sak Messia ahi hi

**Mark**

Judah mi khat pan  
namdangte kiangah

Mi dangte nasep sak ding a  
tawntungin a kiging gige

**Luke**

Gentile mi khat pan  
Gentilete tungah

Citheih leh hehpihna nei

**John**

Judah mite khat pan  
Namdangte tungah

Pumpi leh kha nuntakna a  
pia

**“Mi tul tampi in Pasion leh ama nunzia tungah ngaihsutna diklo nei uh hi... Pasion pen thutak Pasion ahi hi. Dikna le hehpihna in Ama tokhom ziate ahi hi. Ama in itna, hehpihna, le lainatna Pasion ahi hi. Tua bangin Ama pen i Honpa a Tapa munah kilang hi. Ama pen lungduaina le thuakzawhna Pasion ahi hi. I biak Pasion pen tua bang ahih a, ama nuntakna bang i sun nading i hanciam leh, Pasion taktak i bia ahi hi.”**

**EGW (God Cares for Us, August 8)**